

1382

相

山

集

五



詳校官左中允_臣瑋五珠

主事_臣呂雲棟覆勘

謄錄監生臣陳遂

欽定四庫全書

相山集卷十六

宋 王之道 撰

詩餘

宴桃源

烏江道
中二首

黃落聲遲風歇龕火夜寒明滅殘月却多情來照先生
歸轍清絕清絕透隙風霜如雪
遙指湯泉西路隱約碧雲天暮宿烏擇深枝兩兩相呼
如語凝佇凝佇今夜夢魂何處

宴桃源

和張文伯雪詞

飛雪乍稀還驟高閣下臨羣岫獨立遂移時歸去黃昏
前後知否知否落筆騷人賦就

風急柳花飛驟白盡千林萬岫樵擔晚來歸正在栖鴉
啼後知否知否語到謝娘詩就

宴桃源

和張文伯海棠

水外浸山桃李那得箇中風味一種最憐渠酒着佳人
半醉還似還似驚起午窻春睡

如夢令

和張文伯芍藥

綽約一枝紅怨
踈雨淡煙池館
梅子欲黃時
日倚朱闌
幾遍爭看
爭看人在沉香亭畔

如夢令

江上對雨

一晌凝情無語
手撚梅花何處
倚竹不勝愁
暗想江頭
歸路東去
東去短艇淡煙踈雨

如夢令

和張文伯木犀

葉底芳蕤如綴
坐對廣庭忘味
嬌駭最憐伊
亂糝舞餘

金定四庫全書
卷十六
風袂貪喜貪喜不覺寶釵斜墜

長相思

美人

桃花春杏花春桃杏妖嬈如箇人
歌聲清過雲 酒醺
醺燭熒熒眼尾微紅無限情相逢堪斷魂

長相思

別恨

雨濛濛日曛曛洗出遠山三四重
分明眉黛濃 野橋
西官路東小驛夜涼風入松夢魂誰與同
花一枝酒一卮舉酒對花君莫辭
人生多別離 行相

隨坐相隨更有何人得似伊
春融蝴蝶飛
天四垂山四圍山色天容入坐帷
清風吹我衣
東江水西東去西來無盡期
不如君共伊

吳江楓吳江風索索秋聲飛
亂紅曉來歸意濃
淮山
西淮山東明月今宵何處同
相尋魂夢中
風淒淒雨霏霏風雨夜寒人
別離夢回還自疑
蛩聲
悲漏聲遲一點青燈明更微
照人雙淚垂

點絳脣

和朱希真

短棹西來追隨不及桃花宴薰風庭院明月裁紈扇
睡起嬌慵相見雲鬟亂雙魚遠欲憑春喚一見韋娘面

點絳脣

和張文伯

竹外梅花檀心玉頰春初透一池風皺妙語天生就

有箇人人嫋娜靈和柳君知否目成心授何日同携手

點絳脣

和張文伯除夜雪詞

透幕穿簾迴風舞態真輕妙不煩相惱江上春來了

一闋清歌唱徹瓊樓曉春工巧柳顰梅笑點綴芳菲早

點絳脣

冬日
江上

古屋垂楊淡煙疎雨江南岸幾家村曠酒旆還相喚

短棹扁舟風橫河頻轉柔腸斷亂鴉晚噪天共蒹葭遠

點絳脣

社日
雨

春意催花片雲又作朝來雨淡勻深注紅紫知無數

社日人家準擬行春去癡兒女倚門凝竚借問東郊路

浣溪沙

和張文
伯長至

寒透珠簾怯曉霜灰飛緹室驗回陽坐看紅日上脩廊

長
泉瀉龍頭深泛酒煙凝象口暖吹香及時歌舞意何

浣溪沙

春日

水外山光淡欲無堤邊草色翠如鋪綠楊風軟鳥相呼
牛蒨葉齊羅翠扇鹿梨花小隘真珠一聲何處叫提

壺

浣溪沙

贈妓

玉骨冰肌軟更香一枝丹棘映青裳相逢歸去未須忙

曲裏春山情不淺樽前秋水意何長醺醺顏色粉生

光

浣溪沙

和張文伯海棠

過雨花容雜笑啼淡粧深注半開時嬌嬈情態自天姿

新浴太真增艷麗微風飛燕鬪清竒綠窻朱戶雅相

宜

浣溪沙

和張文伯木犀

曉日暉暉玉露光枝頭一樣鬪宮粧可憐嬌額半塗黃

衣與醪醕新借色肌同蒼藟更薰香風流荀令雅相

當

浣溪沙

賦春雪詞追
和東坡韻

陽氣初升土脉蘇東郊人散欲迴車一時春雪十年無
魚枕蕉深浮酒蟻鹿胎冠小槩歌珠題詩不覺燭燃

鬚

體粟湏頻酒力蘇流涎正值麴盈車坐來獸炭撥還無
一闋可能酬一絕雙銀端不換雙珠松毛粉白老翁

鬚

春到衡門病滯蘇力強猶可駕柴車少年狂妄一時無

清坐不堪膚起粟高談還喜唾成珠紅裾癡笑雪如

鬚

凍卧衰安已復蘇閉門那患出無車似渠人物到今無

可笑崑山誇片玉須憐滄海歎遺珠時來應許將君

鬚

浣溪沙

阻風銅陵追和東坡游泗洲南山韻

殘雪籠晴作沍寒北風吹浪過前灘遠山雲氣尚漫漫

睡起陽烏窺破牖坐憐香霧藹雕盤一樽聊佐旅中

歡

採桑子

孫中益集於西齋題侍兒作第一流因以詞謝之

奇花不比尋常艷獨步南州往事悠悠遼鶴重來憶舊

遊仙翁不改青青眼一醉遲留妙墨銀鈎題作人間

第一流

菩薩蠻

和趙見獨住人睡起

香鬟倭墮蘭膏膩睡起搔頭紅玉墜秋水不勝情盈盈
橫沁人朱欄頻徙倚笑與花爭媚眉黛索重添春醒
意未收

菩薩蠻

採蓮女

藕絲衫剪猩紅窄衫輕不礙瓊膚白縵鬢小橫波花樓
東是家上湖閒盪槳粉艷芙蓉榜湖水亦多情照粧
天底清

減字木蘭花

和孔純老送鄭深道移守嚴州

金尊頻倒照座梅花清更好春到長楊寵拜三公入鄭
莊月城兩載千里生靈蒙惠愛舞徹歌詞並立新粧
綠帶垂

減字木蘭花

贈孫興宗
詩凡四首

脩眉山遠嬌抹烏雲秋水畔酒裏花前坐擁斯人怎得
寒醪浮滿須索空缸仍覆殘正恐相妨歸去如聞
笑語香

江梅清遠瀟洒一枝罇俎畔雪後風前照水窺簷巧耐

寒
多情美滿共飲自應渠醜
殘醉賞何妨傾國天教
抵死香

笑中聲遠走向曲房花樹畔
擁在樽前頓覺春溫却夜
寒
願酬心滿只得教伊頻勸盞
緩唱何妨貼體衫兒
撲鼻香

仙姿凝遠半出新粧瓊戶畔
緩步來前正值東風料峭
寒
釵頭花滿舞罷梅英飛入盞
一醜何妨花與佳人
巧鬪香

減字木蘭花

和張文伯對
雪詞四首

詩成呵手欲寫已輸君賦就寒粟生膚一盞澆腸可得
無 迴風弄巧比似婆婆尤敏妙似箇人人嗅認梅花
孰是真

尊前放手銅鉢聲窮詩已就姑射肌膚舞罷纏頭怎得
無 青腰更巧担粉團酥來鬪妙不敢方人容色依稀
似太真

玉奴招手來看前山瓊琢就透骨侵膚似恁清寒更有

無春工縱巧只許梅花稱獨妙
花底逢人逐馬銀杯
誤認真

鼈頭龜手孤坐書生能意就
煖體溫膚繡被春寒想見
無雪詞工巧高壓君房天下妙
白髮欺人甚矣吾衰
懶是真

減字木蘭花

和孔純
老別

離筵暫住君在龍舒曾是主
今作行人卧轍何妨借寇
恂清歌妙舞斷送吟鞭乘醉去
一酌休辭捧爵佳人

玉筋垂

減字木蘭花

立春

綵幡金勝一笑酬春聊適性
騃女癡兒半挽梅花半柳
枝
追歡何計幸對綠尊環皂髻
欲舞還羞美盼嬌迴
碧水秋

減字木蘭花

和董令升正月五日會客

蛾眉螭首舞雪嬌迴開凍候
盡道今年千里風光萃綺
筵
坐來新月照我蒼顏并白髮
酒到休辭自有黃芽

介壽祺

卜算子

和興國守周少
隱錢別萬山堂

拄頰看西湖屢對綸巾岸江上相從醉萬山六見年華
換君唱我當酬我醉君休管明日醒時小艇東莫負
傳書雁

堂下水浮天人指山為岸水落寒沙只見山暗被天偷
換堂上老詩翁客至勞相管風喘溪頭客自東日送
雲中雁

今日富川濱後夜湓江岸千里西湖指顧間未怕新年
換再見復何時此意憑吟管應有新詩當尺書日望
南來雁

醜奴兒

對雪和彥
逢弟詞

青腰似說天公富奔走風雲銀界無垠委巷窮山草木
春玉樓不怕歌茵濕語笑紛紛須放他門醉裏冰姿
光照人

謁金門

延和馮
已

春睡起金鴨煖銷沉水笑比梅花鸞鑑裏嗅香還嚼藥
瓊戶倚來重倚又見夕陽墜門外馬嘶郎且至失驚
心暗喜

秦樓月

和張文
伯雪詞

雲不捲澆愁莫放金杯淺金杯淺新詞麗句要人裁剪
酒酣思致天同遠臨風捉筆綸巾岸綸巾岸詩成歸
去寒光照晚

阮郎歸

和廣濟王
宰二首

玉繩低轉斗闌干
欠溫春酒寒夜長
風勁怯衣單有人
哦二山 蟾欲滿
雁初還 桃花微破
顏枕痕猶帶斷虹
殘無言心自閒
長楊風煖弄腰枝
日長蝴蝶飛雨餘
新綠細通池玉鈎
懸芟衣 鴻雁遠
子規啼 此情誰得
知一尊聊與故人
持醉來悲別離

桃源憶故人

迨和東坡韻呈
曾侔子修三首

逢人借問春歸處
遙指蕪城煙樹
收盡柳梢殘雨
月闌

西南戶 游絲不解留伊住
漫惹閒愁無數燕子為誰
來去似說江頭路

不知春色歸何處但見茂林芳樹
庭巷落花如雨鬪亂穿窻戶
晚行溪上東風住荷點青錢
無數蛺蝶飛來還去錯認花間路

南園最是花多處門掩綠楊千樹
別後幾番風雨碧蘚侵苔戶
儂家舊在郊西住門外遠山
無數誰道不如歸去咫尺長安路

朝中措 和張文伯清
明日開霽

朝陽淡淡宿雲輕
風入管絃聲十里碧蕪幽步一枝丹
杏柔情 佳人何處酒紅沁眼秋水盈盈
詩曲羨君三絕湖山增我雙明

朝中措 孔侔郡齋
新栽竹

愛君節直更心虛
移植並庭除好在紅蕖相映捲簾如
見吳姝 清風明月君無我棄我不君
踈况有騷人墨客時來同醉兵厨

朝中措

和張文伯海棠

暖風遲日透香肌
春到柳邊枝
曾見酒紅潮
頰玉人初出
羅幃
東坡何處
朱唇翠袖
空想芳姿
爭似濡湏
太守看花仍賦佳詞

朝中措

和張文伯遠亭

晴煙漠漠日暉暉
天際遠山低
檻外碧蕪千里
坐來目送鷗飛
詩牋談麈珠盤
落落玉屑霏霏
更把登臨餘興
翻成白雪歌詞

朝中措

魏倅定甫生日

州間庠序少追隨
俛仰鬢成絲
仕宦孰踰君
達恩袍遍及庭芝
溪頭春日歡聲和氣如見生時好對高堂壽
毋獻酬同醉金卮

朝中措

王守正仲生日

滿庭巖桂藹香風
人在畫堂中
欲驗魯侯難
老歡聲千里攸同
臺分金石源鍾淮水流慶無窮好繼漢朝循
吏從茲入拜三公

朝中措

和張文伯
寒食日雨

從來寒食半陰晴
花底聽歌聲
昨夜滿城風雨
惜花還繫心情
海棠枝上朱唇翠袖
欲鬪輕盈
須藉嫣然一笑
醉吟同過清明

朝中措

和張文伯
元夕

江城春霽雪初融
樓觀瑞煙中
向晚金蓮無數
一時開遍東風
多情太守行携紅袖
坐引金鍾
時出陽春絕唱
才名不減詩翁

朝中措 董令升待
制生日

天庭丹熟在何時鉛汞適投機四海方思霖雨未容駕
鶴先飛 當年今日謫仙初降庭露翻翻願對良辰好
景稱觴為醉芳菲

西江月 和張文伯
臘日席上

北陸藏冰欲竟東風解凍非遙一時芳意巧相撩入眼
綠嬌紅小 柳色輕搖弱線梅英紛綴枯梢觥籌醉裏
賴君饒歸去斜陽尚早

西江月

別思

一霎輕雲過雨半篙新綠橫舟梅花池館暗香浮酒入
朱唇紅透 有恨尤憐別恨多愁不慣春愁舞餘何惜
更遲留腸斷斷腸更後

一別清風北牖幾番明月西樓斷腸千里致書郵借問
近來安否 歸路淮山雨過歸舟江水澄秋佳人應已
數程頭準擬到家時候

西江月

賞梅

雪後千林尚凍城邊一徑微通柳梢搖曳轉東風來看
 梅花應夢酒面初潮蟻綠歌唇半啟櫻紅冰肌綽約
 月朦朧髣髴暗香浮動

西江月

張文伯謝曾子修送酒

黃菊正懷彭澤白衣俄致江州登高餘醉快扶頭此賦
 義兼情厚痛飲還須酒對清吟况值詩流輕投無惜
 萬金酬木李薦先瓊玖

西江月

試茶

磨急鋤霏瓊屑湯鳴車轉羊腸一杯聊解水仙漿七日
醒襟頓爽指點紅裙勸坐招呼巖桂分香看花不覺
酒浮觴醉倒寧辭鼠量

西江月

春歸

春日荒荒別浦春潮艷艷長堤綠楊風喘客帆遲腸斷
江南雙鯉短夢當年楚雨扁舟後夜秦溪一聲啼鳥
怨春歸人在酴醾花底

其者輯入在舖願身承地經載事放擇以承賦原約
 其由雙點言野意當其共而亦外亦乘紫一舉帝其
 谷日長為限而法除端端方知法能原而亦所致部通
 其有正而點其微不致致江州登高餘許使後增此既
 既長請種州乘報是無則計請以或依許無則既其
 其無願夫本請原理誠端坐其十是若也當亦其不費
 亦其誠願其亦新其亦其半許一其願其亦其其其日

欽定四庫全書

相山集卷十七

宋 王之道 撰

詩餘

折丹桂

送蘧著蘧三子赴省試

照人何處雙瞳碧欲去江城北過江風順莫遲留快雁

序飛聯翼西湖花柳傳消息知是東君客家書須辦

寫泥金報科名題淡墨

用前韻送彥開弟省試

風漪欲皺春江碧予寄江城北子今東去赴春官挽不
住搏風翼脩程應過天池息何處堪留客預知仙籍
桂香浮語祝史休占墨

又用前韻送趙彥翔省試

雪晴山色分遙碧輝映江南北君今東去步蟾宮看少
展垂天翼晚來江上西風息不是新豐客明年三月
見君時慶章綬紵銅墨

南歌子

午端

角簾橫龜枕蘭房掛艾人一尊菖歎泛清醇好在佳人
如玉映長春冰徹杯盤瑩香和笑語薰蓮花衫子入
時新掛起南窻一榻晚風清

玉笋浮菖虎金盤饋線魚研丹聊作厭兵符何必城頭
一女當千夫雨過山如洗風來草自梳佳人不慣手
談輸却道如今重賭選官圖

南歌子

趙叔全
生日

扇裏薰風細壺中化日長梅花高下照紅粧花外飛雲

芬馥水沉香 新竹輕儲粉流鶯巧弄簧不知何處是

華陽應有千年白李薦霞觴

南歌子

和陳冠仲

老懶詩才退春融醉眼昏青山終日對柴門柳外斷橋

流水幾家村 桃李添新意池塘失舊痕一尊聊復為

君溫傾倒來年酬唱細重論

南歌子

戊午重九

朱實盈盈露黃華細細風龍山勝集古今同斷送一年

秋色酒盃中
鳴脚供柔白
雞頭薦嫩紅
量吞雲夢正
能容試問具
區何處浙江東

南歌子

書所見

露竹舒新綠
風荷遞暗香
誰家池館睡鴛鴦
還有玉人相對坐
傳觴角簾清冰滑
紗厨薄霧涼
晚來行雨過
巫陽彊整羅衣
臨鏡學宮粧

南歌子

安豐守章彥輔生日

玉露澄天宇
金風淨月華
滿庭秋色木犀花
記得謫仙

初下五雲車
才業追前輩人門屬當家壽觴無惜醉

流霞聞說姓名潛護有籠紗

浪淘沙
和魯如晦

高髻墮香鬟送恨眉山老年花似夢中看厭浥一枝溥

曉露珠淚闌干
卮酒發酡顏休更留殘滿城風雨麥

秋寒餘馥尚能銷酒惡誰敢包彈

好事近
彥達弟生日詞

秋色到東籬金散菊團香馥預借浮觴高會為作長年祝

蟹螯如臂酒如澠橙橘半黃綠唱我新詞一醕聽樽
前絲竹

好事近

何希淵
生日

春色到梅梢人在東風清嚏曾見少微初降藹龍泉佳
氣功名富貴屬多才如子世無幾造物恰同予意放
驛驢千里

好事近

程繼誠
生日

霞影入瑤觴酒與餘霞同色人共昌期方永過觥籌三

百一枝紅皺石榴裙
簾捲篆煙碧約我他年湖上看

九華終日

好事近

王照美
生日

花影到酴醾風過玉卮搖碧坐上酒豪詩敵盡騎鯨仙
客主人名姓在金甌歸去定前席要見碧桃千歲看
壺中春日

好事近

董令升
生日

春色到酴醾人在酴醾花底花撲金蠹香透遠勝燒沉

水一杯聊復對東風為祝千千歲作楫和羹事了歸
去騎箕尾

南鄉子

追和東坡重九

風急斷虹收孤鶩搖搖下荻洲醉帽儘從吹落去颼颼
幸有黃花插滿頭君唱我當酬千里湖山照眼秋不
見故人思故國休休一闋清歌聽解愁

南鄉子

贈何彦道侍兒

翠袖熨沉香黛拂修蛾淡淡粧銷得多情鍾傅粉何郎

風動珠簾月半床
 素手捧瑤觴誰念蘇州已斷腸
 夜雨不隨歌扇歇浪浪歸去無心賦海棠

南鄉子

陳南仲生日

遺愛滿南州千騎曾為萬里游
 琳館歸來無責更無憂

坐聽清歌醉玉舟
 香霧鬱金虬春入梅花助獻酬請

祝遐年長笑挹浮丘何止莘君一百籌

有人夢莘彭年遺公九十六籌

之故及

南鄉子

寄和潘教授元賓喜晴

天際彩虹垂風起癡雲快一吹原隰的的春水更瀾瀾
布穀因從野鳥知初霽捲簾時巷陌泥融燕子飛午
醉醒來紅日欲平西一椀新茶乳面肥

南鄉子

春霽柳花垂嬌軟輕狂不待吹圓欲成毬還復碎誰為
習習和風即舊知深院日長時亂撲珠簾入坐飛試
問荻芽生也未偏宜出網河鮪美更肥

南鄉子

和張元助通
判詠雪詞

出戶繡簾垂拂面從他細細吹乘興有誰招訪戴難為
煖帳薰爐醉不知閒看逐風時欲著梅花又却飛雅
與佳人回舞袂相宜試比冰肌可煞肥

玉樓春

和李
宜仲

少年心性銷磨盡三斗爛腸渾是悶看書聊復強尋行
屬句不妨閒趁韻此生自斷天休問富貴時來還有
分一卮芳酒送清歌樓下玉人相去近

玉樓春

和董令升正
月五日會客

年來六十增三歲，却憶去年趨盛會。
風流人物勝斜川，灼灼有同前日事。
不知絃管催新水，但見飄飄紫舞袂。
主人情厚酒行頻，酩酊莫辭今夕醉。

鵲橋仙

夕七

斷虹霽雨餘霞送，日簾捲西樓。
月上銀河風靜，夜無波天亦為雲
輶相訪。蛛絲有恨，鵲橋何處，回首又成惆
悵。長江衮衮向東流，寫不盡別離情狀。

小重山

占德秀生日

要識長生輩赤松朱顏和綠髮正丰茸當年今日墮仙
宮佳氣鬱香藹菊花風一飲判千鍾小槽新釀美玉
泉釀酒酣詩思浩無窮雲煙爛題破錦牋紅

小重山

彥達弟
生日

花艷嫣然照坐紅池光高下見木芙蓉相從款款莫忽
忽新釀熟浮甕碧香濃倚檻送飛鴻登高時節近菊
披風笑談今喜一杯同揉金藥和露入杯中

蝶戀花

和張文伯
上巳雨

簷溜潺潺朝復暮燕子銜泥穿幕來還去素錦青袍知
有處花光草色迷汀渚春不負人人自負君看流觴
只凭良辰度厭浥小桃如泣訴東風莫漫飄紅雨
城上青旗催日暮柳絮沾泥花藥隨流去記得前時行
樂處小橋新綠初平渚玉子文楸誰勝負不道光陰
暗向閒中度天若有情容我訴春來底事多陰雨

蝶戀花

和王冲
之木犀

庭院雨餘秋意晚一陣風來到處清香遍把酒對花情

不淺花前敢避金杯滿
蒼筤醑釀雖慣見常恨撓先
不是君徒伴莫把龍涎輕鬪遠流芳肯逐爐煙斷

蝶戀花

和張文伯
魏園行春

春入花梢紅欲半水外綠楊掩映笙歌院霽日遲遲風
扇暖天光上下青浮岸歸去畫樓煙暝晚自拾梅英
點綴宮粧面美目碧長眉翠淺銷魂正值迴頭看

蝶戀花

和張文
伯海棠

碧霧暗銷香篆半花影穿簾厭浥蒼苔院鴻鸕一雙塘

水暖浮沉時近垂楊岸
雨過不知春事晚但怪朱唇
得酒紅潮面野菽山散三四盞
移尊更向花前看

蝶戀花

追和東坡時
留滯富池

寒雨霏霏江上路不見書郵
病目空凝注沙觜盡頭飛
白鷺篙師指似人來處
自笑自憐還自語鈍滯如君
只合歸田去竹屋數間環
畝箇中自有無窮趣

臨江仙

和陳
德公

紅樓縹緲光風裏熙熙和氣
歡聲遏雲餘韻最關情春

山閒淡淡秋水正盈盈
老去自憐心尚在相逢殊慰
勞生紋楸聊復戲同枰試煩歌一曲須借酒三行

臨江仙

和劉南伯

怪得舉頭聞鵲喜果然都騎相過柳陰乘月倒金荷踈
星明炯炯銀漢靜無波
總角追隨今老矣相逢無惜
婆婆夜闌餘興到狂歌長鯨方正渴應不厭傾河

臨江仙

追和東坡送李公恕入浙

鼓棹正逢江雪霽是行應快吳吟透雲寒日半晴陰煙

風凝翠重霜樹澣紅深
案上文書閒展讀聖賢蹤跡
重尋不堪華髮故駸駸雙旌還有日萬事付無心

一剪梅

和董令升贈
魏定甫侍妾

風揭珠簾夜氣清香撲樽壘初見雲英藍橋何處舊知名
今夕相逢此恨銷停
勸客嫣然一笑傾細意端詳
無限娉婷曲終猶帶遶梁聲不辭沉醉為覆金觥

漁家傲

和余子美
對雪詞

風揭珠簾寒乍透青娥不住添香獸火暖畫簷鳴綫溜

人醉後錦堂絲竹烘殘晝
勢合湖山增地厚孤高但
覺脩篁瘦回策如縈全在手
驕馬驟吾家金埒新編就

漁家傲

和董舍人
令升三首

繫國安危還故老鶴書赴壠行當到多謝不遺敦雅好
應信道年高德邵如公少
尊酒論文聊一笑肯將苦
語誇危了落筆君房天下妙環窈窕清歌一闋漁家傲
海岱惟青遺一老禁垣清切親曾到獨直固勞非此好
誰信道才如權相從來少
把酒自歌還自笑醉中萬

事都齊了絕唱清歌仍敏妙聲窈窕行雲初過漁家傲

禁垣清切並獨自權德輿事

爵齒俱尊惟此老詩詞筆力誰能到竒字古文仍篤好
須信道如公寧復憂才少剝費黃金因買笑窮通得
喪都忘了坐對瑤觴看舞妙携窈窕南窻聊繼淵明傲

漁家傲

和孔純老三首

巖電晶熒君未老看看門外風車到一點眉間黃色好
人盡道從今次第登三少左右青娥來巧笑朱唇塗

額新粧了斜插梅花仍鬪妙歌窈窕醉來容我相嘲傲
歲月漂流人易老東郊又報春來到梅靨柳眉還鬪好
君信道衰顏得酒重年少對景邀賓同讌笑莫教虛
過芳菲了咳唾珠璣誇筆妙人窈窕新聲傾作漁家傲
燈火熙熙來穉老喜逢燈夕都齊到花市綺樓隨處好
人競道今年天氣常年少五馬行游還坐笑公堂繡
捲東風了簫鼓喧闐歌舞妙人窈窕也應引動南窻傲

感皇恩

彥達弟
生日

宿霧霽晨霜江山明秀照眼黃花亂晴晝當年今日正
是懸弧時候一杯聊獻祝同親舊莫問窮通休論貧
富且趁良辰醉醇酎揚珠擣玉况值西成多收飽餐歌
至治天垂祐

青玉案

有懷軒車
山舊隱

半年不踏軒車路彷彿過長橋去貼水行雲風送度兩
行高柳一坡脩竹是我嘗游處黃鸝休歎青春暮出
谷遷喬舊家句天意從人還許許凝寒和氣沈陰霽色

大旱霧電雨

青玉案

對雪追和
謝幼槃

金尊照坐紅裙繞
恠一晌歌聲悄
亂撲珠簾風絮曉
香

薰笑語酒烘顏色
莫逐年華老
詩濤入筆懸河倒
快

萬里雲天為君掃
檢點春容何處早
柳條青眼梅梢粉

面得恁於人好

青玉案

送無為守張
文伯還朝

逢人借問錢塘路
我亦欲西湖去
目送蘭橈知幾度
黿

峰浮玉鯨波飛雪正是潮來處
海棠花下春將暮緩
唱新詞味佳句見說東皇曾夢許
栢臺冠牙金鑿視草
更作商巖雨

欽定四庫全書

相山集卷十八

宋 王之道 撰

詩餘

江城子

和彦時兄

新篁初上籜龍披綠陰
稀綠陰稀墻外石榴花放兩三
枝裙摺絳紗還半皺
追往事惜佳期
流鶯嬌婉燕雙飛
雨晴時雨晴時
盧橘攢金梅子更紅肥
濁酒一杯從徑醉
家縱遠夢中歸

江城子

追和東坡雪詞

寒光凌亂六花纖
巧穿簾不鳴簷
十里黃壚遙望
辨青帘
玉樹參差何處覓
吟雪曲
撚霜髯
坐來令我
看無厭
擬名鹽
試嘗甜
飛入深潭
應照老蛟潛
三白預占來
歲稔良可喜
更何嫌

千秋歲

追和秦少游

山前湖外初日浮雲退
荷氣馥槐陰碎
葵花紅障錦萱
草青垂帶
誰得似黃鸝求友
新成對
憶昔東門會
千

古同傾蓋人已遠歌如在銀鉤雖可漫琬琰終難改愁
浩蕩臨風令我思淮海

千秋歲

張文伯
生日

曉霜初肅秋色團芳菊榴轉紫橘猶綠昨朝吹帽會未
快登臨目須信道兵厨準擬三千斛采采香盈掬汎
汎紛浮玉紅袖捧清歌逐何妨傾坐客共獻長生祝歸
去好北門夜引金蓮燭

千秋歲

鄭帥清
生日

熙熙臺上秋色增清壯和氣溢祥煙颺淮山供雜俎湖
水浮新釀人共仰貔貅坐擁詩書將 簫鼓聲嘹亮珠
翠環相向迴妙舞遲妍唱競斟長命筭同試滄溟量鋒
車往東歸遂繼華原相

千秋歲

伯母劉氏生日

薰風散霧簾幕清無暑萱草徑荷花塢幽香浮几席秀
色侵庭廡微雨過綠楊枝上珠成縷 雙燕飛還語似
慶良辰遇醜美酒烹肥豕何妨歡且醉共作斑衣舞人

競報蟠桃已實君知否

千秋歲

彥時教授
兄生日

金風玉宇庭院新經雨香有露清無暑溪光搖几席嵐
翠橫樽俎烘笑語佳時聊復鄉人聚門外荷花浦秋
到花無數紅鱸鯉青浮醕何妨文字飲更得江山助從
此去蒲輪入佐中興主

水調歌頭

追和
東坡

湖上有佳色黃菊傲霜秋一尊相屬談詠彼此得無愁

何處鱸魚初薦錯，且金壘點膾，令我憶東州。雙鷺帶斜
 日，飛下白蘋洲。晚風勁，吹殘酒，襲破裘。故人俱在江
 左，底事獨淹留。歸去草堂，侵夜一點青熒火，得句可忘
 憂。欲識無窮意，終日倚城樓。

水調歌頭

用王冲之韻
贈僧定淵

敗屋擁破衲，驚颺漫颺。颺不離當處，人見擁篲上藍游。
 彈指九州四海浪，說其來雲聚，其去等風休。莫作袈裟
 看，吾道貫聃丘。齊生死，同寵辱，混春秋。高名厚利，眇若

天地一蜉蝣閒舉前人公案試問把鋤空手何似步騎
牛會得箇中語淨土在閻浮

水調歌頭

對月
詞

斜陽明薄暮急雨霽涼秋弱雲狼藉晚來風起席捲更
無留天外老蟾高掛皎皎寒光照水金壁共沉浮賓主
一時傑傾動庾公樓度銀漢溥玉露勢欲流不妨吟
賞坐擁紅袖舞還謳暗祝今宵素魄助我清才逸氣穩
步上瀛洲欲識瀛洲路雄據六鼇頭

水調歌頭

秦壽之
生日

暑雨濕脩竹涼吹入高簷鷺洲鍾阜如畫霽色為儂纖
檻外藕花無數裝點休祥嘉應不覺有秋炎謫仙墮人
世香霧鬱重簾富才藝強記覽三萬籤須信公侯有
種道義自相漸此去腰金佩玉回視依蓮泛水歲月亦
何淹稱觴還戲綵無惜醉厭厭

水調歌頭

趙帥聖
用生日

顥氣遍寰宇風露逼衣裘中秋昨夜明月千里滿西樓

人道當年今日海上騎鯨仙客乘興下瀛洲雅志在扶
世來佐紫宸遊 廟堂上須早計要嘉謀牙床錦帳三
歲江北歎淹留好在蟹螯如臂判取兵厨百斛與客醉
瑤舟待得蟠桃熟相約訪浮丘

水調歌頭

張文伯
生日

瓊樹掛初日珠箔捲清霜夜來溪上微雨佳節過重陽
共慶當年此際曾見天麟協夢華閔掛蓬桑人作魯侯
祝俾爾壽而臧 保疲瘵旌德善致吉祥會看報政朝

夕芝檢趣微黃不藉靈丹九轉不用蟠桃三竊源遠自
流長願借滄溟富斟酌薦瑤觴

滿江紅

和張守仲及送
孔純老守歷陽

竹馬來迎留不住寸心如結歷湖須塢相望近同吳越
闕里風流今未減此行報政看期月已驗康沂富國千
古曾無別多謝潤霑枯轍令我神思清發聞新命歡
浹兩邦情愜明日西風帆捲席高檣到處旌麾列忽相
思我當往誰謂三整隔

滿庭芳

代人上高太尉時在太學

蔡水西來于門南峙天波擁入華楹芝蘭爭秀難弟過
難兄欲說隨龍雨露慶千載河海初清良辰好榴花照
眼綠柳隱啼鶯君恩隆厚賜冰桃火棗來自蓬瀛正
值霧橫玉篆泉瀉金鯨四坐香和酒泛對妙舞絃索鏗
鉤椿難老年年今日論報祝長生

滿庭芳

雙蓮堂

翠蓋千重青錢萬疊雨餘綠漲銀塘藕花無數高下鬪

芬芳渾似華清賜浴溫泉滑洗出真香何妨更合歡連
理高壓萬芝祥風流賢太守當年奏瑞盛事名堂好
是琉璃地上一片宮粧况有薰風解愠流霞泛絲竹成
行依蓮暇聯珠唱玉應不愧金相

滿庭芳

和元發弟
秋日對酒

露溢金莖風翔玉宇嫩涼初霽秋容山散野藪聊快一
尊同正值大田多稼臨印隘酒客憧憧追隨處杯盤狼
藉野草蔭長松新詞何所似金聲應鐸玉氣騰虹時

來終宦達休怒蒼穹顧我蹉跎老矣颯素髮衰態龍鍾
心猶壯會看文度獨步大江東

滿庭芳

送秦壽之

雪霽風溫霜銷日暖一時笑語烘春草堂何幸四座德
星鄰聊借紅粧侑爵蘭膏膩高髻盤雲清歌妙貫珠餘
韻猶振畫梁塵熙朝卿相種扁舟東去入侍嚴宸憶
當年擢桂連見三秦休說參軍俊逸應難過開府清新
從今去八州都督端不因無津

滿庭芳

伯父仲球生日

紫角初繁青裳正好充閭清露飄香懸弧何早烏轡上
扶桑試問椿齡幾許踰萬計纔滿三章佳辰樂林塘增
氣茁茁擁紅粧稱觴人共慶盤中白李來自華陽說
壺中日月特地舒長定見霜毫換綠天薦祉家慶延昌
情千萬辭慳思窘聊獻滿庭芳

滿庭芳

和富憲公權錢別

歌徹驪駒酒斟醽醁帆檣高映城樓繡衣携具開宴話

離愁兩岸橙黃橘綠一行雁幾點沙鷗情千萬相看無
語送我上孤舟悠悠冬向晚梅花潛暖隨處香浮奈
長亭飲散無計淹留歸路淮山百舍空夢想連歲清游
煩雙鯉頻將尺素來徃寄江流

漢宮春

雪詞

歡動江城快風聲震地雲勢頽山半年不雨玉霏來漑
冬乾飄飄弱絮雜簷花飛上賓筵踈林表數行征雁翔
翔欲下清灣何處梅梢點白弄橫斜踈影竹外溪邊

天寒日暮含香脉脉無言朱唇玉頰映碧梧峙鵲停鸞
最好是携壺挈榼相期同醉霜天

慶清朝

追和鄭毅夫
及第後作

曉日彤墀春風黃繖天顏咫尺清光恩袍初賜一時玉
質金相濟濟滿庭鴛鴦月卿映日尹星郎鳴鞘遠錦鞵
歸路醉舞醒狂追隨寶津瓊苑看穿花帽側拂柳鞭
長臨流夾徑參差綠蔭紅芳燕罷西城向晚歌呼笑語
溢平康休相惱爭揭踈簾半出新粧

醉蓬萊

追和東坡重
九呈彥時兄

對黃蘆卧雨蒼雁橫秋江天重九千載淵明信風流稱
首吟繞東籬白衣何處誰復當年守藍水清遊龍山勝
集况然依舊 更實嫩紅菊團餘馥付與佳人比妍爭
嗅一曲婆娑看舞腰縈柳舉世紛紛名利逐罕遇笑來
開口慰我寂寥酬君醪酌不容無酒

宴春臺

追和張子野韻
贈陳德甫侍妾

翠竹扶疎丹葵隱映綠窻朱戶縈迴簾捲蝦鬚清風時

自南來題輿好客筵開儼新粧深出雲街歌珠繫貫一
時傾坐全勝腰雷 金猊裊碧玉兕浮紅令傳三杏情
寄雙梅樓頭漏促籠紗暗落花煤錦里遺音憶當年曾
賦春臺醉蓬萊歸歎無寐想餘韻徘徊

宴山亭

和張文
伯海棠

微雨斑斑暈濕海棠漸覺胭脂紅褪遲日短垣嬌怯和
風搖曳一成春困玉軟酴酥扶不起晚粧慵整愁恨對
佳時媚景可堪重省 曾約小桃新燕有蜂媒蝶使為

傳芳信西蜀杜郎東坡蘇老道也道應難盡一朶風流
雅稱上鳳翹雲鬢相映眉拂黛梅腮弄粉

勝勝慢

和劉春卿
有懷金溪

凌雲氣節貫日精忠艱難未許心灰芳酒一尊對君聊
為君開要識治安非晚樂得新賢賦臺萊愁似雪喜青
天萬里曉齋春回 須信赤繩繫足朱衣點頭終在休
歎淹徊梅實槐花看看便是相催座上觥籌交錯玉山
峙莫遣停盃濡湏好儻他時富貴猶冀重來

勝勝慢

和張文伯木犀

菊團封綠蓮萼凋紅蕭然獨見芳姿短牆高榭踈筠怪
石偏宜香遍秋風到處微雨過清露零時花陰下稱牋
毫唱和杖屨追隨曷似江頭竹外凌霜犯雪歲晚爭
竒夕賞朝吟勸秋莫放離披細看石楠玉茗葉縱似風
韻輸伊最好處擁新粧臨鑑碧溪

勝勝慢

送彥逢弟赴官西興時
冬至日用劉春卿韻

魯雲書瑞周日迎長曉占緹室飛灰玉勒朝天千門禁

鑰齊開簾捲扇分雉尾香風遠人到蓬萊霞觴滿萬年
獻祝宮殿昭回况有金甌名姓任名遠蕭散無自徘徊
門外鋒車又連鳳詔相催酒到莫辭頻舉聽清歌一
闋傾盃功成日五湖煙月堪賦歸來

石州慢

和董令
升歲除

磔攘送寒燔烈興歲又頌堯歷青藹燒痕綠浮風破暖
回春色天地交泰時當傾否五鬼休相厄何妨笑倚東
風一飲杯三百長憶苻堅入寇功高晉室無如安石

義槩雄心輒莫等閒拋擲蓋壞聲名鼎彝勲業朋谿雖
好未放終閒逸喈喈黃鳥更看壺中春日

石州慢

和趙見獨書事
見獨善鼓琴

天迥樓高日長院靜琴聲幽咽昵昵思情切切言語似
傷離別子期何處漫高山流水又逐新歌徹彷彿江上
移舟聽琵琶淒切休說春寒料峭夜來花柳弄風搖
雪大錯因誰算不翅六州鐵波下雙魚雲中乘雁嗣音
無計空歎初謀拙但願相逢同心再綰重結

念奴嬌

和張文伯
重陽前雨

黃花照眼對西風。庭檻為渠凝佇。準擬登高酬一醉，底事晚來微雨。蟋蟀聲中，芭蕉葉上，怎得爭如許。龍山何處，無言暗想煙樹。須知天意隨人，重陽晴未晚，不煩頻訴。幸有兵厨三萬斛，足助賞心歡趣。千里江山兩行，珠翠端為騷人付。層樓飛觀，應容老子，追步。

念奴嬌

和魯如
晦中秋

碧天無際乍雨清。煙靄風開雲月。人在南樓劇談勝詠。

金定四庫全書
卷十八
擁碧油旌節銀闕騰輝冰輪駕彩顚氣資高潔大星不
見更容螢火明滅 須煩翠杓瓊杯華牋象管與我酬
清絕誰使琵琶聲到耳輕賦荻花楓葉露脚斜飛河陰低
轉香篆環三傑莫辭終夕舞腰重看迴雪

憶東坡

追和黃魯直

雪霽柳舒容日薄梅搖影新歲換符來天工初見頌桃
梗試問我酬君唱何如博塞歡娛百萬呼盧勝投珠報
玉須放騷人遣春興 詩成談笑寫出無窮景不妨時

作顛草馳騁張芝聖誰念杜陵野老心同流水必東與
世初無競公侯寧有種哉傾否由天命

虛堂響應聲皎月形和影春到也須還長紅多紫歸條
梗况有光風麗日能銷積雪繁霜青女休言勝扶搖借
便請看天池發鵬興人言強漢治道誇文景誰能堯
舜其君遠繼阿衡聖富貴吾所自有宰相時來則為自
不煩趨競欲尋文會詩盟得酒且相命

木蘭花慢

對春光淡沲晴煙冉冉日遲遲漸紅入桃蹊青迴柳陌
鶯刷金衣差池競求友去惱佳人幽恨上蛾眉應念年
時追逐粧餘為帶交枝芳菲誰共賞嬉遊何處馬如
飛不道新來牽腸惹肚暗減腰支須知乍寒乍暖褪朱
唇又過海棠時已約姚黃魏紫留花等待伊歸

鳳簫吟

和彥時
兄重九

雨溟濛年年今日農夫共卜新豐登高隨處好銀瓶突
兀南時對三公真珠溥露菊更芙蓉照水勻紅但華髮

衰顏不堪頻鑑青鏡相逢
行藏休借問且徘徊目送
飛鴻十年湖海千里雲山幾番殘照淒風蟹螯麤似臂
金英碎琥珀香濃請細讀離騷為君一飲千鍾

銀瓶三
公皆山

名

歸朝歡

對雪追和
東坡詞

透隙敲窗風撼撼坐見廣庭霜縞白長安道上正騎驢
蔡州城裏誰堅壁表表風塵物瑤林瓊樹生豪客對揮
毫連珠唱玉競把詩牋擲
草草杯盤還促席痛飲狂

金匱四庫全書
卷十八
歌話肖臆前村昨夜放梅花東鄰休更誇容色清歡那
易得明朝烏轡陞南極帶隨車黃壚咫尺莫作山河隔

望海潮

重九和
秀時兄

寶山烟霽金湖波渺珠簾高捲清霜楓葉露痕荻花風
色人言今日重陽芳菊裊秋香更榴房鬪紫柑實傳黃
觀閣凌空杯盤照座獨醒狂良辰樂事難忘 正少年
遊冶人在任莊銅鉢探題金釵當酒一時綠鬢紅粧故
國黯淒涼漫情隨流水遠興與雲長要是致君堯舜千

古繼垂裳

風流子

和桐城魏宰

扁舟南浦岸分携處鳴珮憶珊珊見十里長堤數聲啼
鴉至今清淚衿袖爛斑誰信道沈腰成瘦減潘鬢就衰
殘漫把酒臨風看花對月不言拄笏無緒憑欄相逢
還相感但凝情秋水送恨春山應念馬催行色泥濺征
衫况芳菲將過紅英婉婉追隨正樂黃鳥間關爭得此
心無着渾似雲閒

沁園春

和考
時兄

城郭蕭條風雨霏微醞造客愁况鷺羣鵬鴉未諧薦禰
棘叢鸞鳳猶歎栖仇世路如碁人情似紙厚薄高低何
日休逢殷浩會披雲對月同賦南樓堪嗟日月如流
甚首夏竭來今半秋縱荻花楓葉強撩歸思有萼羹瓠
飯歸更何憂三板松舟一篙溪水百里淮山無滯留何
須問遠遶相相孰是莊周

賀新郎

送鄭
宗丞

又是春殘去倚東風寒雲淡日墮紅飄絮燕社鴻秋人
不問儘管吳笙越鼓但短髮星星無數萬事惟消彭澤
醉也何妨袖卷長沙舞身與世只如許 闌干拍手間
情緒便明朝蒼煙白鷺北山南浦笑指干橋橋畔路簾
幕深深院宇尚趁得柳烟花霧我亦故山猿鶴怨問何
時歸棹雙溪渚歌一曲恨千縷

新陸
陸陸
陸陸

不問...
又長...
...